


## Felici Hendry-Castelmur

Felici Hendry-Castelmur ei naschius a Cavorgia ils 16 da schaner 1919 e morts ils 23 da fevrer 2006 el convent dalla Sontga crusch a Schänis.

Ina famiglia dad endisch fargliuns ei ina gronda casa-da. Schon sco buobet ha ei tuccau agli da schar pigliar, empau dapertutanavon ell'ucivla da Cavorgia. Sto eser ch'il scolar svegliau ei scochemai daus els egl. Ton ch'ils ses han tarmess il Felici on claustra a Mustér. Suenter ch'el veva giu pertgirau bein las cauras dil vitg e veva rabitschau entiras tastgas iva blaua giu dils Cotschens sil Cuolm Cavorgia. Las flurs ed insumma las carschientschas han destadau enten el tschaffèn e premura. Ed ual quei interess d'enamiez la natira ei restaus agli per veta duronta.

Suenter entginas classas al gimnasi ei Felici Hendry entraus el seminari da scolasts a Cuera. Mo in onn da spetga suenter il studi. Ed entschiet ha il Felici a dar scola sil scalem mesaun a Sedrun – per silsuenter cuntinuar a Selva ed a Segnas. Ins schess che Felici Hendry seigi staus fetg innovativs en scola cun ses carnets da lungatg, in'atgna cumposiziun, e nuotatonmeins ella publicitad. Tut specialmein sco regissur da teater; el sez ha schaffiu in miez tozzel teaters, translatau aunc e dirigiu ina grupp da teater en Surselva. Ses cumediants han giu in bien num.

Tgi seregorda buca dil barschament dil vitg da Selva? Grondas ein ellas stadas, las acziuns d'agid da silsuenter. Duront quei temps ha Felici Hendry empriu d'enconuscher sia futura consorta, la Margrith Castelmur. Els ein semaridai ed han giu tschun affons. Pli tard ei la famiglia secasada a Gams, en la Vallada dil Rein. Era leu ei il Felici ius en la publicitad, segidond en la pervenda e davart sociala. Nuota nuidis ha el scret ses artechels en la gassetta dil liug, retergend ina posizun en in u' auter



risguard. Forsa ch'el vess perfin giu ina aveina politica.

Igl onn 1964 bandunan el ed ils ses Gams; els ein i a star ad Uznach. La scola stat agli fetg datier. Il scalem miez cun sia preparaziun seriusa pil pass en la scola secundara e vinavon ei staus ad el zun a cor. Siu engaschament rigurus mereta laud. S'entelli ch'el ha buca saviu metter

d'in maun la disposiziun da far teater. Cun sias cumedias ha Felici Hendry ligiau ensemble ils avdents dad Uznach che han giu gust da dar las rollas. Ina sparta tut speciala ein las colonias da vacanzas stadas. Oravontut da stad e nuota meins duront igl unviern dad ira cun skis. Ton ils affons sco nuotatonmeins dabia geniturs dad Uznach ein vegni cun Felici Hendry e sia consorta Margrith, ein vegni, a Milez. Aschia ch'el ha saviu incantar sia gliend da Uznach per las pistas e l'entira geografia dalla Val Tujetsch. E Felici ha fatg quei cun in tschaffèn ed in grond entusiassem. Felici e Margrith han empalau ha colonia da skis a Milez aunc diesch onns suenter la pensiun, aschidadir in interval da 25 onns. E l'amicezia dad Uznach cun Tujetsch ei semantenida entochen ozildi.

Pongir: Felici Hendry ei staus in um activ. A casa sia ha el fatg biars maletgs e schiglioc adina zambergiau enzatgei. El cun ses dus mauns veramein inschignus. Dapi bien e ditg ha la memoria schau suenter. Adina pli e pli fetg. Felici ha pitiu fetg giudlunder. Entochen il di che sia dunna Margrith ha buca pli dau il damogn. Las soras dil convent dalla Sontga crusch a Schänis han giu quita; ellas han mirau tier bein tocca sia davosa ura.

Felici Hendry ha giu in grond dun dad animar enzatgi per enzatgei. El in um cartent e da bien exempel che ha giu ina veta dil tutfatg cumplenida. Si'olma ruaussi en pasch.

Vic Hendry